

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KTKK 0051642 23
Zenica, 29.02.2024. godine

OPĆINSKOM SUDU ZENICA
Sudiji za prethodno saslušanje
ZENICA

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

1. BAŠIĆ BELMINA, rođen 2001. godine u Zenici, neosuđivan,

Što je:

U vremenskom periodu od 10.12 do 13.12.2022. godine, u Zenici, s ciljem pribavljanja protivpravne imovinske koristi, lažno se predstavljajući da je službenica NLB Banke Slovenija u kojoj N.N. ima otvoren račun i da su joj potrebni njegovi podaci za pristup njegovom bankovnom računu kako bi isti dodatno zaštitila od nedozvoljenih transakcija, doveo u zabludu i održavao u zabludi N. N. iz Zenice koji se u to vrijeme nalazio u R. Sloveniji, da mu na štetu svoje imovine što učini, na način da je sa svog mobilnog telefona "Samsung galaxyS20+" putem aplikacije za komunikaciju WhatsApp, a na kojoj je za profilnu sliku postavio fotografiju sa logom NLB Banke Slovenije i naziv profila "NLB agent", dana 10.12.2022. godine sa korisničkog broja ... poslao poruku na broj telefona ... korisnika N.N., koji broj je prethodno pronašao u N. objavi na društvenoj mreži Facebook, lažno se predstavljajući da je S. D., službenica NLB Banke Slovenija i da su joj potrebni njegova e-mail adresa, korisničko ime računa, datum rođenja i kod za pristup njegovom bankovnom računu kako bi se isti dodatno zaštitio od pokušaja nedozvoljenih transakcija novca sa istog na bankovni račun broj svjestan da iza navedenog WhatsApp profila ne stoji NLB Banka Slovenije odnosno agent navedene banke i da ne postoje nikakve neuobičajne aktivnosti vezane za njegov transakcijski račun u smislu zahtjeva za prijenos novca sa istog na bankovni račun ..., te svjestan da na taj način dovodi u zabludu N. N., a što je i htio, pa nakon što je N. N. naveo da mu da tražene podatke dostavi, iste je neovlašteno unio u prethodno instaliranu aplikaciju NLB Banke na svom mobilnom telefonu te tako neovlašteno, putem interneta, pristupio bankovnom računu broj ... koji koristi N. N. a potom sa istog izvršio transakciju novca u iznosu od 2.500,00 € na svoj bankovni račun broj i navedeni iznos novca, umanjeno za bankovnu proviziju, sa svog računa podigao dana 13.12.2022. godine u poslovnici Intesa Sanpaolo banke u Zenici, kojom prilikom je na opisani način sebi pribavio protupravnu imovinsku korist i istovremeno oštetio N. N. iz Zenice za navedeni novčani iznos od 2.500,00 €, što je i htio,

Čime je počinio krivično djelo „Računalna prijevара“ iz člana 395. stav 1. Krivičnog zakona Federacije Bosne i Hercegovine u sticaju sa krivičnim djelom „Prijevара“ iz člana 294. stav 1. Krivičnog zakona Federacije Bosne i Hercegovine, sve u vezi sa članom 54. Krivičnog zakona Federacije Bosne i Hercegovine.